


# دورة صيانة المادزورد



إعداد المهندس : أيمن ممدوح



ayman.med7at@facebook.com  
ayman\_med7at@hotmail.com

حقوق النشر محفوظة لكل مسلم مع مراعاة عدم حذف اسم الكاتب

# الفهرس

رقم الصفحة	الموضوع	الرقم
	قياس الباور سبلاى	١
	دراسه وقياس العناصر الالكترونية	٢
	دوائر المازر بورد	٣
	تتبع الاعطال	٤
	كارت التستر	٥
	شحن البايوس	٦

## قياس الباور سبلای

اغلبنا من اللى بيستخدم الكمبيوتر وبيحب يفتحه ويتفرج على مكوناته عارف شكل الباور سبلای وعارف انه مسؤل عن امداد الكمبيوتر او الكيسه بالكهرباء نبدا نقيس الباور سبلای بالافوميتر و نعرف كل سلك بيخرج فولتات قد ايه وفي فولتات بنستخدمها قبل تشغيل البور سبلای وفي فولتات بنقيسها بعد تشغيل الباور سبلای ( نظبط الافوميتر على ٢٠ فولت ثابت )

– السلك الاسود : وهو بيكون السلك الخاص بالارضى ونقوم بتركيب السلك

الاسود فى الافوميتر فى السلك الارضى الخاص بالباور سبلای و السلك فى

الافوميتر بنستخدمه لقياس باقى الاسلاك كل على حده

– **السلك البنفسجى** : والسلك ده يمكن قياسه قبل تشغيل الباور سبلای او بعد

تشغيله ويكون خرج الفولت منه ٥ فولت

احنا بنترك السلك الاسود الخاص بالافوميتر متوصل بالسلك الاسود الخاص بالباور

سبلای ونبتدى نمسك **السلك الاحمر** الخاص بالافوميتر وندور على **السلك البنفسجى**

فى الكابل الكبير وبيطلق عليه كابل ATX 20 ونلمس **السلك الاحمر** فى **البنفسجى**

ونشوف القراءه اللى هتظهر على الافوميتر واللى المفروض تكون ٥ فولت لا تزيد

بواحد صحيح ولا تقل بواحد صحيح بمعنى انها ممكن تكون ٤.٨ فولت او ٥.٢

فولت لكن متوصلش ل ٣ فولت او ٦ فولت كده يبقى فى خطأ فى الباور سبلای

وغلط على البورده .

علشان نشغل الباور سبلای بنحتاج اننا نعمل قفله بين سلكين **الاخضر** والاسود

وبنعملها بالجفت وبعدين نحط الفيشه فى الكهرباء يشغل الباور سبلای وبعدها نبدا

نقيس باقى السلوك بالطرف الاحمر للافوميتر

– **السلك الاصفر** : بيخرج ١٢ فولت

– **السلك الاحمر** : بيخرج ٥ فولت

– **السلك الازرق** : بيخرج سالب -١٢ فولت

– **السلك البرتقالى** : بيخرج ٣.٣ فولت

– **السلك الرمادى** : بيخرج ٥ فولت

– **السلك الابيض** : بيخرج سالب -٥ فولت

– **السلك الاخضر** : بيختلف من باور سبلاى لآخر اما يخرج ٢.٥ فولت او يخرج

٣.٣ فولت او يخرج ٥ فولت ويكون خرج الفولت فيه قبل التشغيل واذا قمنا

بقياسه بعد التشغيل سنجد القراءه على الافوميتر صفر

### ملخص طريقة القياس

نضبط الافوميتر على الوضع المناسب ٢٠ فولت ثابت ونقوم بقياس السلك الاخضر

والبنفسجى قبل التشغيل ونتأكد من خرج الفولت كما ذكرنا

نعمل قفله بين الطرف الاسود والاخضر ثم قياس باقى السلوك

ملحوظه: احيانا يكون الباور سبلاى الضعيف هو المتسبب فى مشكله قطع الداتا

للجهاز

• الجهاز القاطع داتا هو الذى يعمل لكن لا تظهر اى بيانات على الشاشة


• الجهاز القاطع بور هو الذى لا يعمل نهائيا

وسندرس كلاهما بالتفصيل ان شاء الله خلال الدراسه

## اولا المكثف Capacitor

رمزه على البورده يكون حرف C

رمزه الفنى



الوظيفه: يقوم بشحن وتفريغ وتنعيم التيار الكهربائى

وحدة القياس الخاصة به وتسمى الفراد ورمزها حرف F ولان الفراد من الوحدات

الكبيره فى القياس والمكثفات تقاس سعتها بكميه قليله فيتم قياسها بوحدته اسمها

الميكروفراد ورمزها (UF) وتكون مكتوبه على المكثف نفسه

مثال توضيحي : ان احنا مينفعش نقيس خط طوله ١.٥ سم بالكيلو متر لان الكيلو

متر ١٠٠٠ متر والمتر ١٠٠ سم فبنضطر نقيسه بوحدته مللي متر مثلا يعنى ١٥

مللي متر

انواع المكثفات:

١. مكثفات قطبية

٢. مكثفات غير قطبية

○ المكثفات القطبيه

وهى التى يكون لها طرفان طرف منهم سالب (-) والطرف الاخر موجب (+)

وتنقسم المكثفات القطبيه الى نواعن

○ مكثفات كيميائيه

○ مكثفات صلبه


### ● المكثفات الكيميائية

وهذا شكلها والخط الجانبى دائما على المكثفات يشير الى ناحية القطب السالب ويكون مذكور على المكثف سعته او قيمته (UF) ويكون كذلك مذكور عليه اقصى فولت ويكون مكتوب جنبه حرف V رمزاً الى الفولت يتحمله كذلك اقصى درجة حراره يتحملها ويكون جنبها رمز حرف C



### ● المكثفات الصلبة

وهو النوع المفضل او الحديث للمكثفات حيث انه يتحمل درجات حراره عاليه ويكون عليه بياناته مثل سعته والفولت الذى يتحمله ويكون الرقم الاكبر دائما هو سعة المكثف الصلب كذلك نجد ان المكان الملون عليه يشير الى القطبيه اى الى الطرف السالب فى المكثف





## مظاهر تلف المكثفات

المكثفات من العناصر السهل تمييز تلفها بالشكل او بالعين المجردة فمثلا عند تلف المكثف اما نجده منتفخ او منفجر او نجد عليه ترسيبات كحجر البطارية عندما يترك مده طويله داخل الساعه وتكون تلك الاعطال نادره فى المكثفات الصلبه ونجد الانتفاخ اما من اعلى المكثف او من اسفله كما هو بالصور



ملاحظات مهمه :

عند قيامنا باستبدال مكثف تالف بمكثف جديد يجب ان نراعى سعة المكثف ودرجة الحرارة وتحمله للفولت ففى اسوا الاحوال اذا لم نستطع ان نجد مكثف بنفس السعه او درجة الحرارة او تحمل الفولت نأتى بالآخر يكون قريب له فى السعه او الحرارة او الفولت بحيث لا تزيد نسبة التفاوت بالزياده او النقصان عن ١٠% مما يتحمله المكثف كذلك يجوز استبدال مكثف كيميائى بصلب لكن كما ذكرنا يراعى البيانات الموجوده عليه.

كذلك عند التغير يجب ان يراعى حجم المكثف الجديد حتى لا يصبح عائق عند اعاده تركيب الجهاز فيكون عائق لمروحة البروسيسور او كارت الشاشة مثلا.  
عند تلف مجموعة مكثفات متصله مع بعضها على التوالى نقوم بتغيير جميع المكثفات لانه حين يعطل احدها يزيد الحمل على المكثفات الاخرى مما يقلل من كفاءتها وادائها ويؤدى الى عطلها مره اخرى



## ثانيا : المقاومه Resistor


من العناصر التي ليس لها قطبيه ويكون رمزها على البورده هو حرف R  
ورمزها الفنى




هى عبارة عن عنصر صغير وموجود على البورده منه كثير وهتلاقى دائما مكتوب  
عليه رقم

الوظيفه : تعمل على اعاقه مرور التيار الكهربى اعاقه جزئيه وده

شكلها على البورده : توجده باللون الاسود وعليها ارقام وكما ذكرنا من قبل رمزها  
على البورده حرف R




يوجد شكل اخر لها على البورده وعلشان تستوعبوا حجمها على الطبيعه ممكن  
يوصل لايه شوفوا الصوره دى



## طريقة قياسها

المقاومه تقاس بوحدۃ القوم ويكون رمز القوم على الافو بالشكل التالى



قراءة الرقم الموجود على سطح المقاومه والتعويض عنه بمعنى انه لو الرقم الموجود على سطح المقاومه هو 222 يجب ان نعلم ان اخر رقم موجود على اليمين دائما يرمز لعدد الازفار الموجوده فى الرقم بمعنى انه لو ٢٢٢ فالرقم هو ٢٢٠٠ لان المقاومه صغيره حجما ومش معقول هيصغر الخط على المقاومه اكثر من كده

نفسر تانى

الرقم الاول دائما بيكون ثابت وبما انه انجليزى يبقى اول رقم هو اللى على الشمال الرقم الثانى هو الاخير ثابت

الرقم الثالث ده وهو اللى بيرمز الى عدد الازفار

يعنى لو الرقم الثالث ده ٤ يبقى ٠٠٠٠ اصفار لو ٥ يبقى ٠٠٠٠٠ اصفار وهكذا.

مش شرط يكون الرقم الثالث ممكن يكون مكتوب على سطح المقاومه ٤ ارقام مثل ٤٥٢٣ ساعتها اخر رقم هو المشير لعدد الازفار يعنى لما نعوض عن الرقم ٤٥٢٣

هيكون الرقم ٤٥٢٠٠٠

طيب لو حبيننا نعرف المقاومه تالفه ولا سليمه نعمل ايه ???

احنا نجيب الافوميتر ونظبطه على وضع الصفاره ونوصل كل طرف بناحيه من المقاومه

✘ لو تالفه تعطى صوت صفاره فى الاتجاهين يعنى لو غيرنا اطراف الافو مع بعض الاسود مكان الاحمر والاحمر مكان الاسود على المقاومه هاتعطى صفاره او مش هتدى حاجه خالص لا صفاره ولا قراءه  
✓ لو سليمه هتدى قراءه او صفاره وقراءه ٢٢ قوم  
وعند التلف نستبدله باخر بنفس قيمته يعنى بنفس الرقم المكتوب عليه ونفس الشكل


Ayman\_med7at@hotmail.com

## ثالثا الفيوز Fuse

من العناصر التي ليس لها قطبيه  
الرمز على البورده هو حرف F  
الرمز الفني



هو عنصر شبيه بالمقاومه وسنجده بكثره عند الماوس والكيبورد وفتحات اليو اس  
بي ومكتوب على سطحه اما ٠ او ٠٠٠ او p او N



وظيفته : حمايه الدائره من اى ارتفاع مفاجى او زياده للتيار الكهربى  
قياسه على الافوميتر لمعرفة ان كان سليم ام معطوب يتم على وضع الصفاره

✗ لو تالف لا يعطى صفاره

✓ لو سليم هايعطى صفاره

عند التلف يستبدل باخر نفس الشكل والنوع

## رابعاً : ملف Coil

من العناصر التي ليس لها قطبية


رمزها على البروده حرف L

الرمز الفني




وظيفته : امتصاص حدة او شدة التيار الكهربى وتنعيم التيار


له اشكال كثيره منها ما يلى




وفى البورد الجديد له شكل مربع اسود



او مربع وداخله الملف



ويوجد منه بشكل اخر يشبه المقاومه والفيوز لكن لا يوجد اي بينات عليه



طريقه قياسه تكون على وضع الصفاره بالافوميتر

✓ لو سليم هايعطى صفاره

✗ لو تالف مش هيعطى صفاره

واعطاله غالبا ما تكون ظاهره للعين المجرده بيكون الملف سايح من درجه الحراره

او منصهر او مقطوع

في حالة التلف يتم استبداله باخر يكون له نفس عدد اللفات

Ayman\_mea7at@me7at.com

## خامسا : الداىود Diode

رمزه على البورده حرف D

من العناصر التى لها قطبيه


رمزه الفنى



نلاحظ دائما وجود دائره على طرف من اطراف الداىود وتشير دائما الى القطب السالب للداىود

- يطلق على القطب الموجب anode ويرمز له بحرف A

- يطلق على القطب السالب cathode ويرمز له بحرف K




الوظيفه : جعل التيار الكهربائى يسير فى اتجاه واحد

انواع الداىود


- داىود زنر



- داىود ثنائى



## - دايود ليدي LED



## - دايود سيليكون



## طريقة القياس

١. كالعاده هتضبط الافوميتر على وضع الصفاره
  ٢. نقوم بنزع الدايدود من البورده بجهاز الهوت اير
- نضع الطرف الاسود للافوميتر على الطرف السالب من الدايدود والطرف الاحمر من الافوميتر على الطرف الموجب للدايدود يعطى قراءه  
 ✓ يكون سليم عندما يعطى قراءه فى اتجاه واحد فقط




## سادسا : الكريستالات Crystal

من العناصر الغير قطبيه

رمزها على البورده (X-Y-XY)

اي واحد منهم

رمزها الفنى




الوظيفه : مسئوله عن اعطاء نبضات من الفولت الى الايسيهاات الديجتال

انواعها وارتباطها بالايسيهاات (ICs)

### 1. كريستاله DATE & TIME

ودى شكلها ثابت مبيتغيرش



ترددھا ثابت 32 khz



مسئوله عن اى سى ساوث بريدج ic south bridge

و اى سى اى او IN BUT/OUT BUT I/O

من اشهر اعطالھا فصل البورده بور لانھا مسئوله عن دائره التشغيل ( دائرة البور

سويتش PSW )

لاكتشاف تلفها نقوم بعمل قفله باطراف الجفت بين طرفيها ونشغل البورده لو

اشتغلت يبقى العيب منها ونغيرها بواحدة مثلها

وليس معنى ان البورده تعمل بالقفله انها نشغلها كده عادى ده مجرد اجراء للتأكد اذا

كان العيب من الكريستاله الخاصه بال DATE & TIME او لا

### ٢. كريستاله CLOCK GENERATOR



ترددها بيكون 14.318 khz وبيكون مكتوب عليها كما هو موضح بالصوره

واحيانا بيكتب 14 فقط او 14.3 توجد الى جوار اى سى الكلوك جنراتور

الوظيفه: اعطاء نبضات الى كل الايسيهاات التى لا يوجد بجوارها كريستاله من

اشهر اعطالها فصل البورده داتا

الكريستالتان السابقتان لا توجده مزربورد خاليه منها

### ٣. كريستاله النتورك او اللان LAN

نفس شكل كريستاله الكلوك جنراتور لكن مكتوب عليها التردد الخاص بكريستاله

اللان وترددها 25 MHZ

فى البورد الموجود بها الكارت داخلى ممكن يضع الكريستاله وممكن الا يضعها

وفى هذه الحاله ياخذ الاى سى نبضته من اى سى الكلوك جنراتور

لو عندك كرت نت خارجى هتلاقىها موجوده عليه

### ٤. كريستاله الاوديو AUDIO

واضح هنا انها مخصوصه باى سى كارت الصوت وهى نفس شكل كريستاله

الكلوك جنراتو وكريستاله اللان وبنميزها بالتردد الموجود عليها 24 KHZ

**طريقة القياس**

كالعاده نضع الافوميتر على وضع الصفاره

✗ اذا كانت تالفه ستعطى صفاره متصله

✓ اذا كانت سليمة تعطى قراءه او لا تعطى شىء


فى حالة التلف بنغيرها بواحده مثلها تماما

Ayman\_med7at@hotmail.com

## سابعاً: ترانزستور موسفت

oxide semiconductor field effect transistor mosfet

رمزه على البورده حرف Q



من العناصر التى لها قطبيه


رمزه الفنى

وظيفته :يعمل كمفتاح للتيار الكهربائى واحيانا مكبر للتيار واحيانا مضغر للتيار له طريقتين فى العمل وقبل ان نعلمهم يجب ان نعلم اسماء اطراف هذا الموسفت

دراين DRAIN ورمزه حرف D

سورس SOURCE ورمزه حرف S

جيت GATE ورمزه حرف G



وده شكله على اغلب البورد



اما على البورد الجديده ممكن شكله بيختلف لكن احنا فى دراستنا للدوائر هنعرف ازاي نميز الموسفت فى الدائرة ان شاء الله مهما كان شكله مختلف وجديد علينا

لكى يعمل ترانزيستور الموسفت لابد ان ياخذ نبضه على GATE

ويوصله فولت على DRAIN

احيانا بيتحط فى الدائره علشان يخرج فولت من على SOURCE زى ما

هنعرفها بالتفصيل فى دائرة البروسيوسور

واحياناً بيتم وضعه ليتأكد من ان التيار الداخلى على DRAIN هو المطلوب للدائره

فان كان التيار المناسب تركه الموسفت يمر وان كان تيار زياده يقوم بتفريغه فى

SOURCE الموسفت اللى بيكون فى الحاله دى متوصل بارضى وان شاء الله

هنعرفها ونفهمها اكثر واحنا بناخد دائرة البروسيوسور

ولازم نعرف ان المتحكم الرئيسى فى عمله هو GATE

يوجد منه نوعين

● سالب القناه

● موجب القناه

● سالب القناه - N/CH Negative Chanel

موجود على البورد بنسبه % 95 ان لم يصل ل % 99

اذا قمنا بقياسه فولت سنجد ان دائماً الفولت على DRAIN اعلى من الفولت على

SOURCE

(سنعلم طريقة القياس فولت بالتفصيل عند دراستنا للدوائر)

اذا قمنا بقياسه لمعرفة كفائته (على وضع الصفاره) نضع الطرف الاسود على

DRAIN والاحمر على SOURCE هنلاقى ان الافو يعطى قراءه

## • موجب القناه P/CH - Positive Chanel

ويتواجد على البورده بنسبه 2% الى 5 %

عند قياسه فولت نجد ان ال SOURCE دائما يكون عليه فولت اعلى من ال DRAIN او مساوى له

ولقياس كفاءته (وضع الصفاره) ثم نضع الطرف الاسود على SOURCE والاحمر على DRAIN فيعطى قراءه

طيب ازاي اعرف اذا كان الموسفت الموجود قدامى ده سالب القناه او موجب القناه  
??????????

احنا هنلاقى ان كل موسفت عليه رقم زى ده مثلا K3918

احنا ناخذ الرقم ده ونقعد قدام موقع جوجل ونجيب الداتا شييت DATA CHEAT (الداتا شييت بنلجا اليها لما بنكون مش عارفين ايه الاى سى اللى قدامنا او ايه نوعه ومميزاته او نوع الموسفاتات او البورده وبياناتها)

وبعد ما ندخل على جوجل نكتب الرقم الموجود على الموسفت ونكتب جمبه داتا شييت

مثال

K3918 data cheat ونعمل سيرش هيطلعنا مواقع كتير افضلهم موقع اسمه داتا شييت اصلا

هندخل عليه وتنزل الملف الخاص برقم الموسفت اللى انت عملت بحث عليه وهينزلك ملف PDF تفتحه هتلاقى جواه اذا موجب القناه ام سالب القناه

ملحوظه: بعض الناس اللى شغال صيانه من زمان بينصح ان الموسفت اللى عليه

رقم K3918 يصلح مكان اى موسفت اخر او اى موسفت يكون رقمه منتهى ب 03 يصلح ايضا بديل لاي موسف اخر ويطلقون عليه اسم الموسفت الجوكر

١. نزعه خارج البورده

٢. نقوم بفتح القناه الداخليه فيه بتوصيل الطرف بتاعته كلها مع بعض DRAIN.

SOURCE. GATE بطرف الجفت

٣. ضبط الافو على وضع الصفاره

نفترض مثلا ان الموسفت سالب القناه فيكون سليم عند

١. نضع الطرف الاسود على DRAIN والطرف الاحمر على SOURCE يعطى

قراءه

٢. نضع الطرف الاسود على DRAIN والطرف الاحمر على GATE لا يعطى

شىء

٣. نضع الطرف الاسود على DRAIN والطرف الاحمر على SOURCE فى هذه

الخطوه نقوم بتكرار الخطوة الاولى ومن المفترض او المعتاد ان يعطى


قراءه هولكنه فى بعض الاحيان يعطى قراءه وصوت صفاره وفى هذه الحاله

✓ سليم اذا كانت القراءه مع الصفاره فى الخطوه الثالثه اقل بكثير من القراءه فى


الخطوه الاولى

✗تالف اذا خالف الخطوات السابقه

هذا العنصر عندما يكون تالفا بيظهر التلف غالبا للعين المجرده بمعنى انه مش  
بيحتاج انك تقيسه علشان تعرف اذا كان تالف ام لا لانه بيكون اما منفجر او سايح او  
قابل للفرك ويتحول الى حبيبات تابع الصوره




اترككم مع بعض اشكال الموسفت



الشكل ده هو الشكل الجديد فى البورد وطبعا علشان نعرف فين الدراين الوجيه او السورس لازم نجيب داتا شيت بتاعته



او مع خبره ان شاء الله هتلاقى عندك مرسوم نقطه على الموسفت بالشكل الموضح ودى بتقدر تحدلنا الدراين والسورس والجهيت






ثامنا : الايسيهاات او الشيبات IC

تنقسم انواع الايسيهاات الموجودة على البورده الى:

1. ايسيهاات ديڤيٲال

2. ايسيهاات انالوج



## • ايسيهاات ديڭيتال Digital Ic


### ○ البروسييسور processor او CPU



موجود تحت المروحة علطول اعتقد كلنا عارفينه  
وظيفته معالجة البيانات القادمة له من عدة جهات مثل القنطره الشماليه

### ○ القنطره الشماليه North Bridge -B /N

مكان وجوده في نص البورده تقريبا  
وظيفته: معالجة البيانات القادمه من الرامات RAM وكارت الشاشة VGA



### ○ القنطره الجنوبيه South Bridge -B /S

موجود في اغلب الاوقات في الجزء الاسفل من البورده ناحية اليمين  
وظيفته : معالجة بيانات كل من

LAN - AUDIO - BIOS - USP - SATA - DATA – PCI

○ / I - O but/In but : Out



ويتميز بعدد اطرافه حيث تصل ال ١٢٨ طرف  
ويكون عادة من انتاج شركات ثابتة

مثل ITE - WINBOND - VIA - SMSC - FINETEC :


مكانه في اى مكان في البورده في الجزء السفلى

وبنميزه طبعا بال ١٢٨ رجل

وظيفته : معالجة بينات كل من :

FAN - PS2 - FD - PARALLEL PORT - SALER PORT -  
HEALTH - POWER SWITCH (PSW) .H

○ LAN /NETWORK



بيكون موجود في الجزء السفلى من البورده ناحية الشمال

وظيفته الاتصال بالانترنت

سهل تمييزه فى جميع البرد لاننا لو بصينا على البورده من اسفل اليسار بيكون عندنا اى سى الاوديو audio اخر اى سى تحت والى سى اللى بعده علطول فى طريقنا ناحية مداخل الكابلات فى البرده هو اللان بشكل اوضح فى الصوره لو بصينا على رقم ٧ هنقدر نحدد ان ده اى سى audio و معظم البرد تقريبا ده مكانه فيها وبعد نجد ان رقم ٥ هو اى سى lan وده مكانهم ثابت تقريبا فى كل البرد اللى مرت عليا

## CLOCK GENERATOR ○



لو فاكرين كريستاله الكلوك جنراتور اللى سى الموجود جنبها علطول هو اى سى الكلوك جنراتور

وظيفته: اعطاء نبضات للاسيهات التى لا يوجد جوارها كريستاله

## IC AUDIO ○




دائما فى القصى اليسار اسفل البورده

وبيكون محاطه عدد كبير من المكثفات الفايبر

وظيفته : مسئول عن الصوت

## IC BIOS ○




مكانه في اى مكان في الجزء السفلى من البورده  
وظيفته : تلقى اشارات في بداية عمل الجهاز من عناصر في البورده للتعرف عليها  
او للكشف عن الجهاز وما يحتويه من ملحقات ( الهارد - السى دى - الفلوبي -  
كارت الصوت .... ) والتعرف عليها لتهيئه الجهاز للعمل

## IC VRM ○

مكانه في الجزء العلوى من البورده وبالتحديد اعلى قاعدة ال CPU يمينا او يسارا  
او اعلاها مباشرة  
مسئول عن اعطاء نبضات لـ GATE موسفتات دائرة البروسيسور



## ○ موسفت درایفر MOSFET DRIVER



واضح من اسمہ انہ لیه علاقہ بالموسفتات وبالتالي بیبکون قریب لیها  
وظیفته اعطاء نبضات لـ GATE اقرب الموسفتات الیه  
شکلہ ثابت حتی الان لم یتغیر ولہ اما ۸ ارجل ۴ فوق و ۴ تحت او ۱۴ او ۱۶

ملحوظہ:

کی عمل الای سی دیجیتال بیحتاج الی فولت ونبضہ من کریستالہ


Ayman\_med7@yahoo.com

## • ايسيهاات انالوج ANALOG

( منظمات الجهد )

### الشكل الاول

يحتاج الى فولت فقط كي يعمل ويوجد منه على البورده نوعان فقط وسهل تمييزه




يشبه في شكله الموسفات

لكن دائما نجد عليه ارقام ثابتة معروف بها (1117-1084-1085-1086)

وظيفته: مسئول عن تغذية IC - S/B \_ IC - LAN

يوجد عليه فولت دائما قبل تشغيل الجهاز


### الشكل الثاني



وله رقم ثابت 78L05 ونجده دائما الى جوار Audio IC

وظيفته : تغذية Audio IC

# الدور الإلكتروني على المادربورد



PS2 = MOUSE AND KEYBOARD SOCKET

PARALLEL PORT = الكابل البنفسجي الكبير

SALER PORT = كابل الماوس القديم ابيض

PCI = السوكيتات البيضاء الكبيرة التي بنوكب فيها كرت الصوت او الت الخارجى

FD = فلوبى ديسك

PSW = دائرة البور سونش المسئولة عن تشغيل الجهاز

AVIA



## دائرة cpu او دائرة البروسيسور

كبدايه لازم نعرف ان فى جيلين من قواعد البروسيسور  
الجيل الاول وهو جيل P4 ويتميز بالقواعد البلاستيك وفيه فولتات البروسيسور  
كانت

1.75 فولت

1.42 فولت




الجيل الثانى وهو جيل LGA وفيه فولتات البروسيسور كالتالى

1.42 فولت

1.32 فولت

1.2 فولت



اما عن الجيل الثالث و اللى بدا فى الظهور مع ظهور بروسيسورات عالية الاداء


مثل core i3 i5 i7

هو ١١٥٥

وقياس الفلوتيات عليه بيختلف مع اختلاف نوع البروسيسور



بعد ان تعرفنا على انواع قاعدة البروسيوسور نبدا التعرف على شكل دائره الفولت ويكون كما هو موضح بالصوره



الجزء المترقم برقم 1

دلوقتى البروسيوسور علشان يشتغل لازم ياخذ فولت معين مينفعلش يقل او يزيد عن المطلوب

الخطوه الاولى :

هنا بييجى دور الموسفت اللى فى رقم 1 (Q3) ده كل مهمته فى دائرة البروسيوسور انه بيطلع من source 1.2 فولت مهمتهم تشغيل جزء معين فى البروسيوسور الجزء ده هو اللى بيتبدي يرسل بعد كده فى خطوه رقم 2 بيانات البروسيوسور الى

اي سى VRM

(حسب نوع البروسيوسور)

دلوقتي نوصل لخطوه 3 وخطوه 4

في خطوه 3 اى سى vrm بيبيعت فولت للموسفتات Q1 , Q2

عن طريق نبضات من الفولت على gate بتحدد بعد كده شغل الموسفت.


الخطوه 4 مرتبطه بالخطوه 3

بمعنى انهم متعلقين بالموسفتات Q1,Q2

دلوقتي عندنا سوكت ATX12 وده شكله وهو بيقوم بمد دائرة البروسييسور بالفولت

الازم لتشغيلها

ده شكله على البورده



الفولت بيخرج من كابل atx12

بيطلع 12 فولت وبعدين يمر على ملف ومكثف لتنعيم التيار وبعدين يدخل على

الموسفت الاول Q1 وده مهمته تحويل الفولت من 12 فولت الى الفولت المناسب


بالبروسييسور (بيختلف من بروسييسور لآخر)

بعد ما الموسفت الرئيسى يمر عليه التيار 12 فولت ويخرج مثلا من السورس

1.4 فولت

يبدأ التيار يعدى على الموسفت التانى اللى بيكون موسفت فرعى Q2 وهنا بيمر على Drain الموسفت

لو كان هو فعلا التيار المناسب للبروسيسور الموسفت يسبب التيار يعدى اما لو كان التيار ازيد من المطلوب او اقل من المطلوب فى الحاله دى بيخرج التيار على source الموسفت الفرعى اللى بيكون متوصل بارضى ويفرغ الشحنة بعد ما التيار يمر على الموسفتات ويوشك دخوله على اى سى البروسيسور بيمر مره تانيه بملف ومكثف لتنعيم التيار



طيب دلوقتى فى اكثر من سؤال

ازاى انا عرفت الموسفتات الرئيسيه Q1 والموسفتات الفرعيه Q2

وازاى برودو عرفت المكثفات الرئيسيه C1 والمكثفات الفرعيه C2

وكمان هنا مفيش ملف (L1) جنب سوكت ATX 12

واللى موجود هنا الملفات الفرعيه بس L2

علشان نجابو على الاسئله دى لازم نعرف ان فى نوعين من القياس

## – قياس المسارات

و نستخدم فيه الافوميتر على وضع الصفاره

## – قياس الفولت

و نستخدم فيه الافوميتر على وضع 20 فولت ثابت

### • اولاً قياس المسارات

زى ما احنا عارفين سوكت ATX 12

بيدخل عليه 12 فولت

طيب منين اعرف البنات الللى فى السوكت الللى بتطلع 12 فولت الللى هيا موصله

بعد كده للملفات والمكثفات والموسفتات؟؟

احنا بنجيب الافوميتر ونظبيطه على وضع الصفاره ونجيب **الطرف الاحمر**

ونوصله باى ارضى فى البورده مجرد اننا نلمسه لل PS2

او فتحات USB على الحديد من بره كده



والطرف الاسود نلمسه للبنات فى سوكت ATX 12



هنلاقي عندنا الافوميتر بيدي صوت صفاره (لان ارضى مع ارضى يدى صفاره -  
او الدائره المغلقه تعطى صوت صفاره)

فالبنايه الى مش هتدى صوت صفاره بيقى هيا دي اللي الباورسبلاى بيغزيها

ب12 فولت من **السلك الاصفر**



نقوم احنا مثبتين الكبل الاسود بتاع الافوميتر فى سوكت ATX12 مع البنايه اللي

عرفنا انها بتستقبل ال 12 فولت من **السلك الاصفر**

ونبدا نمر على DRAIN الموسفتات كلها اللي نلاقيه بيدي صوت صفاره بيقى

متوصل بال12 فولت وبيكون موسفت رئيسى Q1

انما لو لم يعطى صوت صفاره بيكون موسفت فرعى Q2



ونفس الفكرة في تحديد المكثفات الرئيسية والفرعية

الفارق اننا هنلمس **الطرف الاحمر** من الافور على رجلين المكثف لو اعطى صوت

صفاره يكون مكثف رئيسى C1 وغالبا بيكون مكتوب عليه قدرة تحمل 16 فولت

والمكثفات التي لا تعطى صوت صفاره تكون مكثفات فرعية C2

ونفس القصة مع الملفات اللي الافو يصفر معاه يكون رئيسى L1

مفيش صفاره يكون فرعى L2

اخر خطوه في معرفة المسارات هيا ازاي اعرف اى سى VRM

زى ما شوفنا في الخريطة اللي بتوضح سريان الفولت ان ال VRM بيعطى نبضه

فولت على GATE الموسفتات الرئيسية والفرعية

ومكان IC VRM بيكون فوق قاعدة البروسيوسور ناحية الشمال او اليمين

فاحنا بنقوم بلمس GATE الموسفت سواء كان رئيسى او فرعى بالطرف الاسود

في الافو

ونبيتدى نمر **بالطرف الاحمر** على اطراف الاى سى القريب من دائرة البروسيوسور

لو اعطى صوت صفاره بيكون هو IC VRM

كما هو موضح بالصورة






اما بالنسبة للموسفت q3

وهو الموسفت الموجود بجوار IC-NB

نقوم بوضع طرف الافو على SOURCE الموسفت والطرف الاخر نلمس به البنات الاقرب اليه في قاعدة البروسيوسور ونجد انه يعطى صوت صفاره على الافوميتر

اضافه بخصوص دائره البروسيوسور

تتكون دائره البروسيوسور من عدة قنوات فهناك بوردة تعمل بقناة واحدة وهذه الأجيال القديمة أما الأجيال الحالية فتعمل دائرة البروسيوسور من خلال قناتين أو ثلاث قنوات في العادة أو أكثر من ذلك. وتتكون القناة من إثنين ترانزيستور موسفت أو أكثر ومكثف كيميائي وملف واحد في نهاية القناة والصورة التالية توضح تقسيم القنوات




مع العلم أن القنوات لا تعمل كلها في وقت واحد ولكن تقسم فترات العمل عليهم بالتساوي أي أن القناة الأولى تعمل ثم تتوقف وتعمل القناة الثانية ثم تتوقف وتعمل القناة الثالثة وهكذا ولا تتوقف أي قناة عن العمل قبل أن تعمل القناة التي تليها حتى لا يتوقف إمداد البرسييسور بالباور بمعنى أن فرق توقيت العمل بين القنوات يعتبر من اصغر وحدات الزمن التي يمكن قياسها

ولذلك يمكن معرفة عدد قنوات البروسييسور في مازربورد من خلال عدد الملفات المتواجدة حول البروسييسور

وعلى وجه عام فإن كل ترانستور موسفت رئيسي مسؤل عن ٢ فرعي أو حسب اختلاف الدائرة ودرجة الحماية التي توفرها الشركة المنتجة وطبعا أجود أنواع البورد في السوق جيغا بايت من حيث وسائل حماية الدوائر وكم ترانزستورات الموسفت والمكثفات والملفات وكل أدوات تنعيم وضبط التيار.

## • ثانيا قياس الفولت

(لازم يكون البروسيوسور متوصل وطبعاً نوصل مروحة التبريد الخاصه بيه )  
توصيل البورده بالباور سبلاى ثم ضبط الافوميتر على وضع 20 فولت ثابت  
توصيل ارضى الافو باى ارضى فى البور سبلاى  
(الارضى يرمز اليه دائماً باللون الاسود)  
تشغيل البورده عن طريق توصيل بنات البور فى البرده +PSW-  
كما اتفقنا ان التغذية فى دائرة البروسيوسور  
تبدأ من **السلك الاصفر** ١٢ فولت من سوكت ATX 12



بعدها نبدا بخطوات القياس فولت

١. نمر على DRAIN الموسفتات **بالطرف الاحمر**

هنلاقى الفولت على DRAIN 12 فولت يبقى ده موسفت رئيسى Q1



ولو قمنا بقياس SOURCE الموسف اللي هو الموسفت اللي واخذ ١٢ فولت على DRAIN هنلاقي انه مخرج فولت تاني (الفولت بيتغير من بروسيسور لآخر) وليكن ١.٤٣ مثلا



وزى ما قلنا قبل كده الفولت هيخرج حسب نوع البروسيسور لانه بيختلف من بروسيسور لبروسيسور تاني

اما GATE الموسفت هنلاقي عليه نبضه فولت اللي هيا بياخدها من IC-VRM وبتكون من ٢.٥ الى ٣.٥ فولت

٢. بالنسبة للموسفتات (الفرعيه Q2) هنلاقي DRAIN الموسفتات عليه نفس

الفولت اللي طالع من SOURCE الموسفت الرئيسي Q1 يبقى هنا هيكون

١.٤٣ او GATE الموسفت الفرعي نجد عليه نبضه تتراوح من ٩.٥ الى

١٠.٥ فولت

٣. اما عن SOURCE موسفت IC NB(Q3) نجد عليه ١.٢ فولت

اعطال دائرة البروسيسور

وهنا نقوم بتقسم الاعطال الى:

## • اعطال الباور.

١. دوران مروحة البروسييسور نص لفه وبعدها الجهاز يتوقف عن العمل
  ٢. سماع صوت تكتكه جامده خارجه من منطقة اللبروسييسور واحيانا بتكون مع دخان خفيف ورائحة شيايط
- دلوقتى علشان نتأكد ان العطل فعلا من دائرة البروسييسور نشيل سوكت ATX 12 من البورده ونشغل البورده لو اشتغلت بيكون العيب فى دائرة البروسييسور -طريقة الصيانه:
١. نقوم بتنظيف البورده جيدا
  ٢. نقوم بفحص البورده فحص عينى جيد جدا  
( اى مكثف او ملف او موسفت تالف نقوم بتغييره )
  ٣. نقوم بنزع الموسفتات الرئيسيه كلها
  ٤. وبعدين نوصل البورده ونوصل كابل ATX ١٢
- لو البورده اشتغلت يبقى العطل او ال SHORT كان بسبب واحد من الموسفتات الرئيسيه ساعتها نقيسهم والتالف نغيره
- لو لم تعمل نقوم بنزع الموسفتات الفرعيه ونوصل البورده ونوصل ATX ١٢ ونشغل البورده اشتغلت يبقى العيب فى موسفت فرعى
- لو لم تعمل نقوم بنزع IC VRM
- ونقوم بتشغيل البروده مع توصيل ATX ١٢ اشتغلت يبقى العيب من اى سى VRM ماشتغلنش نمسك كل عنصر تانى موجود فى الدائره ونقيسه
- مقاومات او مكثفات فايبر ونقيسهم على وضع الصفاره والتالف نغيره

## • اعطال الداتا:

تنظيف البورده جيدا

فحص عيني للبورده واستبدال اى عنصر تالف بعد الفحص

استبدال الباور سبلاى

اذا لم تعمل نستبدل البروسيوسور

اذا لم تعمل نقوم بقياس جميع الفولتات الاساسيه فى دائرة البروسيوسور و اى عجز

فى الفولت يكون هو المتسبب فى العطل

اذا كان GATE جميع الموسفتات صفر فالتلف يكون من IC VRM

نقوم بالتسخين عليه اولا بالهوت اير

اذا لم تعمل البورده نستبدله باخر بنفس قيمته

ملحوظه: يمكن معرفة ان العطل من دائرة البروسيوسور عن طريق كارت التستر اذا

اعطى اى كود من الاكواد التاليه

FF / -- / 00 / C0 / NO.C

او من اضاءة لمبة RESET ان كانت مضيئه اضاء كامله فالعيب من دائرة

البروسيوسور

## دائرة الرامات

ما تم اصداره حتى الان هو اربعة انواع من الرامات  
وقد بدأت اجيال الرامات بنوع SD RAM وتلاها DD RAM وتلى ذلك

DD RAM 2 و اخر ما تم اصداره DD RAM 3

فولتات اجيال الرامات

SDR = 3.3 V

DDR1 = 2.5 V

DDR2 = 1.8 V

DDR3 = 1.5 V


وطبعا مع التطور السريع اللى بتشده تلك الصناعات انواع ال SDR انقرضت

DDR موجوده لكن مش بالكم الملحوظ

اكثر البورد الحاليه DDR2 وممكن يكون فيها سوكت DDR3


اما البرد الجديده كلها DDR3

بتبدا عندنا تغذية دائرة الرامات من كابل ( ATX 20 ) الكابل الكبير



وفى نوعين لتغذية الدائره بالفولت كل شركه وحسب ما هيا عاوزه  
 عندنا اللي بيبدأ من **السلك البرتقالى** ٣.٣ فولت او **الكابل الاحمر** وبيطلع ٥.٥ فولت.  
 دائرة الرمات على وجه الخصوص بتحتاج خبره فى قياس الفولت لسبب واحد  
 ان دائرة الرمات شكلها بيتغير من بورده لبورده يعنى على سبيل المثال  
 الاتى عدة اشكال على سبيل المثال لشرح سريان الفولت فى الدوائر المختلفه

### شكل رقم ١



ويعتبر من اشهر واكثر اشكال دوائر الرمات شيوعا

زى ما احنا شايفين فى الدائرة

بتبدا التغذية سواء كانت من ٣.٣ فولت او ٥.٥ فولت

وبعدها يمر التيار على ملف ومكثف وكالعاده مهمتهم تنعيم التيار


سريان التيار غير مختلف عن دائرة البروسيوسور

لو متابع معنا هتلاقى الموضوع سهل جدا ان شاء الله



شكل رقم ٢

ATX 20



بنلاحظ فيه هنا لو فاكرين النوع الثانى من الموسفتات وهو النوع موجب القناه


PCH

الشكل ده مشهور فى دوائر GIGABYTE

غالبا فى البرد القديمه

Ayman

## الشكل رقم ٣



وده يعد اسوا دائره ممكن تقابلها فى اى بورده وطبعاً زى ما احنا عارفين ان  
المستورد مبيهموش جودة اللي بستورده - الا من رحم ربى  
الدائرة زى ما احنا ملاحظين مفيش اى حاجه تحميها من اى زياده فى التيار

وغالبا الكل ده بيكون موجود فى البرود MSI

عشان كده بنصح اى حد بيشتري سواء صاحب محل او واحد جاي يشتري بورده  
او انت بتشتريها لنفسك بص على دائرة الرامات

ولو معندكش الخبره او عى تشتري MSI

احنا ممكن نقيس فولت دائرة الرامات باكثر من طريقه

١. قياس الفولت على عناصر الدائره

٢. قياس الفولت على بنك الرامات

٣. قياس الفولت على الرامه نفسها

## قياس الفولت على عناصر الدائره

ولو رجعنا هنا لصور شرح سريان التيار فى الدائره هنلاقى الموضوع سهل

يعنى مثلا اول ملف لما نقيسه هنلاقى عليه الفولت 5.5 او 3.3

اللى هو L1

نفس الفولت هنلاقيه على المكثف اللى بعده C1

بعد كده يدخل الفولت على DRAIN الموسفت الرئيسى ويحول الفولت حسب نوع

بنك الرامات او حسب نوع الرامه

لكن طبعا بيعدى على موسفت فرعى مره ثانيه وبعدين يمر باخر مرحله من مراحل

تنعيم التيار وبعدين يدخل على بنك الرامات

لو لاحظنا هنا هنلاقى ان الدائره الموجوده فى البورده مختلفه عن الدوائر فى دوائر

شرح التيار


لكنه هنا مزود ٢ دايود

وفى النوع ده من الدوائر اغلب اعطاله بتكون بسبب ال ٢ دايود والموسفت درايفر

الى جنبهم

بالاضافه لان الموسفت الفرعى موصل تيار من SOURCE الى بنك الرامه


وهيظهر لنا فى القياس ان شاء الله




و زى ما اتعلمنا فى دائرة البروسيوسور انا عرفت منين مكان Q1\_C1\_L1  
يبقى احنا نقيس الدائره فولت ونقيس العناصر الموجوده عندنا فى الدائره علشان  
نوصل

### طريقة القياس

1. ضبط الافور على ٢٠ فولت ثابت وتوصيل ارضى الافو بارضى الباور سبلاى
2. تشغيل البورده باور
3. نضع طرف الافو الاحمر على DRAIN الموسفتات للتأكد من وصول الفولت  
من ATX 20 الى الدائره ويكون اما ٣.٣ او ٥.٥ فولت لا يقل ولا يزيد  
بواحد صحيح




4. نبدا بقياس SOURCE الموسفتات ونجده يخرج الفولت الخاص بالرامات




(طيب انا اعرف منين الفولت الخاص بالرامات) ???

اغلب البورد بتكون كاتباه على بنك الرامات او على البورده نفسها جنب بنك  
الرامات



بعد كده نبدا نتأكد ان الفولت واصل لبنك الرامات عن طريق

قياس الفولت على بنك الرامات



## قياس الفولت على الرامه نفسها

لازم نلاقى ثلاث انواع للفولت

- 1.2 فولت او اقل

- 3.3 فولت


- فولت الرامه وطبعا بيختلف من نوع للتانى سواء DDR,DDR2,DDR3

طيب الفولتات الزياده دى ايه فائدتها!!!

علشان نعرف بيقى لازم نبص على الرامه نفسها

هنلاقى عندنا اى سى صغير وبيكون اسمه اى سى السوفت

وده اللى بياخد 3.3 فولت




واى سى كبير الى هوا بيكون منتشر على الرامات

وده بياخد 1.2 او 0.98 فولت او اقل بشويه لكن ميوصلش لـ 0.30 فولت مثلا

ومكثف فايبر وده بيكون عليه فولت الرامه (على حسب نوع الرامه)

ومن هنا نعرف طريقة قياس الفولت على الرامه نفسها

١. اى سى السوفت ليه ٨ رجول وبنقيس الفولت على اول رجل سواء عاليمين او الشمال حسب وضع الاى سى على الرامه قدامكم



البن رقم ١ انذي يقاس عليه الفولت

٢. اى سى المساحه واى مكثف فايبر بيكون موجود جنب اى المساحه نقدر نقيس الفولت عليه



٣. مكثف فايبر تانى وده اللى بيكون ظاهر عليه فولت الرامه ممكن تلاقيه فى نص الرامه وممكن يكون ف اى مكان تانى عالرامه



## اعطال دائرة الرمات

ممکن تقطع بور وممكن تقطع داتا

لكن ازای اعرف ان العطل من الرامات

١. ممكن تسمع صوت سماعة ال SPEAKER الخاصه بالاعطال

٢. قياس الدائره فولت يكون فيه عجز بمعنى انه يكون اقل من المفروض

٣. عن طريق كار التستر

فمثلا بتكون الاكود (من C1:C8 - D0:D8 - DD - EE - E1 - E0 - EF )

الاكواد كثير دول اغلبهم

## طريقة الصيانه

احنا عرفنا ان الاتربه ممكن تكون هيا السبب فى توقف عمل البورده

فاول خطوه لينا دائما فى الصيانه هى تنظيف جيد للبروده

وتانى خطوه الفحص العينى

وهنا هنزود تنظيف الرامه نفسها

لو الجهاز لم يعمل

نقوم باستبدال الرامه باخرى

لو لم يعمل نقيس فولتات الدائره

لو سليمه

نقيس الفولت على الرماه نفسها

لو سليمه وبردو الجهاز لا يعمل

يبقى احنا كده فولتات الدائره كلها سليمه

لكن بردو بيطلعنا كود رامات على كارت التستر

نتبع الاتى



## عمل CLR SIMOS

(هنشيل الحجاره ونلمس الطرف الموجب والسالب فى البروده باى معدن)

لو لم تعمل

نقوم بشحن BIOS ( سوف ندرسه بالتفصيل )

لو لم تعمل بيكون التلف من ( IC NB )

ساعتها نقوم بالضغط عليه بايدينا ومحاولة تشغيل البروده

لو اشتغلت يبقى العيب منه ممكن نسخن عليه

لو ماشتغلتش يجب تغيره وده بيتطلب حرفيه عاليه اوى واجهزه خاصه

وطبعا قبل اى شغل لحامات فى البروده نعرف العميل

وقبل شحن ال BIOS نعرف العميل

واهم مرحله لو وصلنا لان العيب موجود فعلا فى اى سى NB

لازم العميل يعرف ان البروده كده فى حكم الميتة ممكن تشتغل وممكن لا

## دائرة NB او القنطرة الشماليه NORTH BRIDGE

بالنسبه الى هذه الدائره فلها اكثر من شكل لتغزيتها بالفولت:

١. مباشر من السلك البرتقالى ب ٣.٣ فولت.


٢. من نفس فولت دائرة الرامات ( اشهرهم ١.٨ فولت و ١.٥ فولت).

٣. من نفس فولت دائره الـ ( SB ) ( 1.5V - 1.6V - 1.8V )


وهذه التغزيه غير منتشره بالدرجه الملحوظه

اذا فبدايه الدائره ستكون من احد الاشكال السابقه ثم يذهب الفولت الى DRAIN

الموسفت \_ تابع الرسم التوضيحي




Q=موسفت  
 C=مكثف  
 D=drain  
 S=source  
 G=gate  
 L=ملف  
 g=ground  
 ارضى





## قياس الدائره فولت

احنا طبعا خلاص اتعودنا هنقيس فولت يبقى نوصل البورده بالباور سبلاى ونشغلها ونوصل الطرف الاسود من الافو باى اسود فى الباور سبلاى ونمشى **بالطرف الاحمر** على DRAIN. ١. الموسفت وهنا ظهر انه من نفس تغذية دائرة الرمات



٢. SOURCE الموسفت





## ملاحظات

اذا كانت تغذية DRAIN موسفت ال NB من دائرة الرامات  
تكون كذلك تغذية SB من دائرة الرامات

اذا كانت كل عناصر دائرة NB سليمة و SOURCE الموسفت يخرج فولت  
ضعيف نتبع الاتى

نقوم برفع SOURCE الموسفت عن البورده

ونقوم بقياس الفولت عليه

لو طلع ١.٢ فولت

بيكون العيب فى النورث بريدج وهو المتسبب فى العطل

لو طلع غير سليم واقل من ١.٢

بيكون العيب اما من الموسفت او الموسفت دريفر

فنقوم بفك الموسفت وقياسه لو تالف نقوم بتغييره

لو سليم نقوم بتغيير الموسفت دريفر وطبعا يراعى DATA CHEAT عند التغيير

## دائرة SB او القنطرة الجنوبيه SOUTH BRIDGE.

تغذية الدائره لها ثلاث اشكال

- 3.3 فولت من الطرف البرتقالى.

- نفس فولت دائرة الرامات.


- 5 فولت مباشر من الطرف الاحمر .

خرج هذه الفولتات يتخذ ايضا ثلاث اشكال

(يعنى اللى خارج من SOURCE الموسفت)

اما يكون 1.5 فولت - 1.6 فولت - 1.8 فولت

### الرسم التوضيحي



Q=موسفت  
C=مكثف  
D=drain  
S=source  
G=gate  
L-ملف  
g=ground  
ارضى

كما نرى تبدا التغذية باحدى الطرق السابق ذكرها


ثم يمر التيار على DRAIN الموسفت ومنه الى SOURCE ثم يمر بمكثف عادى

C1

وبعدها يمر على مكثف فايبر C2

وبعدها الى IC SB

احيانا تقوم بعض الشركات باضافة موسفت فرعى Q2 و ٢ دايمود D1 - D2 للدائره ويكون الشكل كالتالى



Q=موسفت  
C=مكثف  
D=drain  
S=source  
G=gate  
L=ملف  
g=ground  
ارضى  
D1 = DAIOD

### قياس الدائره

١. DRAIN الموسفت (وطبعا التغذية هتختلف لكن هتكون واحده من الثلاث

السابق زكرهم)

٢. SOURCE الموسفت (وخرج الفولت يكون واحد من الثلاث السابق زكرهم)

٣. المكثف C1

٤. المكثف الفاير ويكون واحد من الموجودين حول ( IC SB )

( احنا بنقيس لغايه لما نلاقه وممكن نجيبه بالقياس مسار بر دو )

اذا كان فى الدائره عناصر اخرى نقوم بقياسها ايضا (الموسفت الفرعى Q2

والدايمود D1 - D2 )


## طريقه القياس بالصور

طبعا انا مش عارف الموسفت فبتكون باديتى بتحديد تغذية البورده  
وزى ما قلنا قبل كده ان لو تغذية IC NB من دائرة الرامات  
بتكون تغزيه دائرة SB من الرامات  
فنبدا بنقطة القياس الاولى وهو DRAIN الموسفتات الى ان نوصل لموسفت الدائره




هنا الفولت على ال DRAIN طلغ






نقيس المكثف المجارو ليه



ندور على المكثف الفايبر وبيكون واحد من الموجودين حول اى سى SB







### قياس الدائرة مسار

نضبط الافو على الصفاره (وهنا التغذية من نفس تغذية الرمات)

ف DRAIN الموسفت فى دائرة SB هيعطى صفاره مع DRAIN MOSFT

NB و SOURCE موسفت دائرة الرمات الى مخرج 1.8 فولت

الخطوه التانيه

الطرف الاسود على SOURCE موسفت SB والطرف الاحمر نمر بيه على

المكثفات

سواء العادى او الفايبر

اللى يدى صفاره ببقى هو بتاع الدائره

ونفس القصه لو فى دايودات وموسفت فرعى


# دائرة التشغيل PSW او دائرة POWER SWITCH

هي الدائرة المسئولة عن تشغيل الجهاز

ونلاحظ هنا انه موجود بها اى سى انالوج من نوع ١١١٧

او ما يطلق عليه البعض اى سى ريجيالتور (راجع الدرس الخاص بالايسيهات)

## شكل الدائره



Q=موسفت  
C=مكثف  
D=drain  
S=source  
G=gate  
L-ملف  
g=ground  
ارضى  
ic-md=  
موسفت دريفر  
X=كريستاله

كما نرى من الشكل التوضيحي لمسار الفولت في الدائره

خروج الفولت من ATX 20 على ثلاث اشكال مختلفه لتغذية ثلاث ايسيهاات مثل

IC LAN –

IC I/O –

IC REGENERATOR 1117 –

ونلاحظ ان REGENERATOR 1117 الذى له شكل يشبه الموسفت

ياخذ ه فولت على SOURCE ويخرج 3.3 فولت من DRAIN

وينتقل الفولت الى IC LAN

والى IC SB مروراً بمكثف فايبر اولاً C1



نلاحظ وجود الكريستاله المسؤله عن اعطاء نبضات لكل من IC SB و IC I/O

### قياس الدائره فولت

قبل القياس يجب ان نعلم ان هذه الدائره تقاس بدون تشغيل البورده  
(بمعنى اننا هنوصل البرده بالباور سبلاى عادى جدا ونوصل الباور سبلاى  
بالكهرباء - لكن - مش هنشغل البورده)

### نقاط القياس

١. الطرف الاخضر والطرف البنفسجى فى الباور سبلاى ( راجع قياس  
الباور سبلاى فى الدروس السابقه )







۲. اطراف IC REGENERATOR 1117

- ۵ فولت

- ۳.۳ فولت

- ۲.۲ فولت






٣. قياس الفولت على اطراف IC LAN


يجب ان يكون هنالك طرفين على كل واحد منهما 3.3 فولت احدهما المباشر من  
السلك البرتقالي (ممكه نعرفها بالقياس مسار)



٤. قياس المكثفات الفايبر حول IC SB يجب ان يكون على احداها 3.3 فولت



٥. قياس الفولت على اطراف IC I/O



### اعطال دائرة PSW

❖ فصل البورده بور.

❖ سخونه ملحوظه فى ايسيهاات الدائره وعجز فى الفلوت من اى سى ١١١٧

لاختبار العطل ان كان من ١١١٧ ام من اى سى اخر يتبع الاتى

يتم رفع اطراف اسى ال ١١١٧ المسؤاله عن خرج الفولت وتوصيل الطرف

المستقبل للفولت بالبورده

**اذا كان ونقوم بقياس الفولت عليه**

اذا كان خرج الفلوت سليم

يكون المتسبب فى العطل اما IC LAN او IC SB

نقوم اولاً برفع IC LAN عن البروده واعاده ١١١٧ الى وضعه الصحيح

✓ اذا عملت البروده يكون العيب من IC LAN

✗ ان لم تعمل يكون العيب من IC SB

احياناً تكون كريستاله DATE & TIME المتسببه فى القفله وقطع البروده بور فنقوم بعمل قفله باطراف الجفت عليها ومحاولة تشغيل البروده اذا اشتغلت نقوم بتغيير

الكرستاله باخرى نفس تردددها

اذا كانت جميع فولتات الدائره سليمه ومع ذلك لا تقوم بور

نعمل قفله بين الاخضر والاسود

وبعد القفله نلمس جميع الايسيهاات بايدينا

هنلاقى ان فى اى سى درجة حرارته عاليه جدا

بيكون هو سبب المشكله

– لو مفيس اى سى درجة حرارته عاليه

نقوم بقياس جميع الدوائر فى البروده قياس فولت واى عجز فى البروده يكون هو

المتسبب فى العطل

– لو بعد القفله كل الفولتات سليمه ومفيس اى ارتفاع فى درجات الحراره

والجهاز اشتغل بور وداتا

❖ يكون العطل فى اى سى I/O

اما نقوم بالتسخين عليه اذا لم يعمل نقوم بتغييره

فى اسوا الاحوال لو لم نجد اى سى I/O مشابه


نبحث جيداً عن مكان اتصال السلك الاسود والاخضر فى كابل ATX 20

ونقوم بعمل كوبرى فى البروده بينهما قفله دائمه يعنى

ساعتها اول ما الجهاز يتوصل بالكهرباء هيشغل لوحده

# الدائرة السادسة : دائرة الصوت او AUDIO

الرسم التوضيحي لسريان التيار



Q=موسفت  
 C=مكثف  
 D=drain  
 S=source  
 G=gate  
 L-ملف  
 g=ground

ارضي  
 ic-md=  
 موسفت ديريفر  
 كريستاله=X

موجود بالصوره شكلان اخران من اشكال اى سى انالوج IC 78L05  
 الفائده منه ان يقوم باستقبال التيار على طرف من اطرافه ويحوله الى 5 فولت  
 ويخرجه من الطرف الاخر



(قياس الدائره فولت)

نقوم بتشغيل البورده وضبط الافو على ٢٠ فولت ثابت


اولا

وجود ١٢ فولت على رجل IC 78L05




ثانيا

خرج الفولت من رجل IC 78L05 ويكون 5 فولت



القياس على ارجل IC AUDIO نفسه  
 نبحت عن 3.3 فولت المباشر من الطرف البرتقالى  
 و 5 فولت الواصل من IC 78L05



لم اجد فى الدائره هنا مكثف لكن وجدت دايود  
 قمت بقياس فولت كل المكثفات الفايبر والكيميائيه حول الاى سى ولم اجد اى منهم له  
 علاقه بالدائره ولكن وجدت دايود متصل بالدائره



اشهر الاعطال

فصل البرده صوت او داتا او بور

الصيانه

التأكد من شاشة BIOS وانه ENABLE

التأكد من التعريف وتحميل أحدث نسخة تعريف من الشركة المنتجه للبرده

التأكد من نسخة الويندوز ممكن يكون العيب منها

اخر شئ فحص الدائره فولت

اذا كان العيب سببه عجز فى الفولت نقوم برفع رجل IC 78L05 الخاصه باخراج

ال 5 فولت ونقيس الفولت عليها لو طلع ٥ فولت يبقى العيب فى IC AUDIO لكن

قبل ما نرفعه او نسخن عليه نقيس كل المكثفات الفايبر الموجوده حوله والدايودات

لو كل العناصر سليمه

يكون العيب من اى سى الاوديو

( الاحسن بدل ما نشغل لحام فى البورده ونفك اى سى ونركب اى سى تانى نجيب

كارت صوت خارجى )

هكذا نكون اتمنا قياس فولتات الدوائر بحمد الله عسى ان تكونوا استمتعتم واستفدتم

بمعلومات جديده



خامسا: كيفية استخدام كارت التستر لمعرفة الاعطال .

## MOTHERBOARD TESTER



الافضل عند شراءه ان يكون المحتوى على شاشتين بالاضافه الى اللمبات  
فائدته :توضيح اعطال DATA البرده  
ويراعى عند استخدامه

■ توصيل سماعة SPEAKER

( اللى هى بتصفر لما الرامات تكون مش متركبه كويس او كارت الشاشة.)

■ توصيل كابل الشاشة فى البرده.

يقوم الكارت بعمل متابعه للدوائر وان كان بها عطل يعطى كود معين خاص  
باعطال تلك الدائره

وفى الغالب يكون مع الكارت عند شرائه كتيب معلومات ويكون مذكور فيه الاكواد  
يتابع عمل الدوائر التاليه

## CPU PROCESSOR ❖

RAM ❖

VGA ❖

BIOS ❖

على سبيل المثال لا الحصر اشهر اكواد الاعطال

**CPU**

( FF / 00 / -- / NO C / C0)

**RAM**

(D0:D8 / C1:C8 / DF / E1 / DD)

**VGA**

(22 / A1 / DB)

**BIOS**

(FF / 00 / --)

وهناك اكواد اخرى كثيره وما ذكر كان من اشهرها

شرح لمبات LED الموجوده على كارت التستر

**اولا**

## LED RESET

مسؤله عن دائرة البروسيوسور

-اذا كانت مضيئه اضائه كامله فيوجد عطل بالدائره

-اذا اضائه مره وفصل او كانت الاضائه خافته او لم يضىء تكون الدائره سليمه

## LED FRAME

## OSC

مسئوله عن اختبار تبادل البيانات بين IC CPU او IC NB

✓ يكون سليم اذا اضئت مره وفصلت او الاضاءه خافته

✗ اذا كانت غير مضيئه فلا يوجد تبادل للبيانات

حينها نقوم بتغيير البروسيسور

ان لم تعمل نقوم بقياس دائره البروسيسور

ان كانت سليمه نقوم بقياس دائرة نورث برديج

ان كانت الدائره سليمه

نقوم بشحن BIOS

## LED I READY

## BIOS

مسؤل عن متابعة ال BIOS فى تبادل للبيانات بين عناصر البرده ودوائرها

- اذا كان مضى اضاءه خافته او اضاء مره وفصل يكون هنالك تبادل بيانات

- اذا كان غير مضى يكون هناك عطل فى تبادل البيانات

الحل :نقوم بشحن البرده BIOS

## LED CLOCK GENERATOR

مسؤل عن الترددات على البرده

تكون الترددات سليمه اذا اضاء مره وفصل او لو كانت هناك اضاءه خافته

إذا كان غير مضئ يكون هنالك عطل في ترددات على البرده  
حينها نقوم بقياس GATE الموسفتات على البرده اذا كانت تعطى كلها صفر العيب

يكون من IC CLOCK GENERATOR

او

الكريستاله الخاصه به اللي كان ترددھا ( 14KHZ )

ملحوظه

احيانا كارت التستر يعطى كود اعطال دائره معينه وتكون الدائره سليمه

حينها يفضل فحص جميع دوائر البرده

Ayman\_med7at@hotmail.com

## سادسا شحن BIOS:

اولا تحديث البيوس

ic bios

احد الاسباب الرئيسييه فى فصل البروده داتا

عباره عن فلاشه صغيره مساحتها بتكون من ٤ ميغا الى ١٢ ميغا

يتم وضع ملفات تعريفه عليها

هذه الملفات تساعد الجهاز فى التعرف على اى هاردوير جديد تم تركيبه فى البروده

يعنى مثلا لو جبنا كارت شاشه - صوت - هارد - بروسيسور - رامات - اى

جديد از اى الجهاز بيعرف ان فى هاردوير جديد تم توصيله بالبورده ؟

عن طريق شريحة bios

وبالتالى لو الجهاز بتاعنا قديم او حتى جديد

وعندنا مثلا بروسيسور i7

والبرده رافضه تقراه

ايه العمل

update bios

او

شحن بالمبرمجه

طيب ما هو الفرق بين تحديث ال bios

وبين الشحن بالمبرمجه

ومتى نقوم بتلك العمليه؟

اولا update bios



الخطوه دى بنقوم بيها اذا الجهاز يعمل بور وداتا وبتحصل معنا مشكله من المشاكل  
الاتيه

١. عدم الدخول على شاشة bios مهما دوسنا Del او F12

او ايا كان طريقة دخول البروده على شاشة BIOS لانها بتختلف من برده لبرده

٢. لو فى قائمه من قوائم شاشة BIOS اختفت

٣. لو قمنا بتركيب هارد وير جديد والبرده مش شايفاه

( هارد - كارت شاشه - بروسيسور - كارت صوت - كارت نت - رامات )

بس يعنى لو كارت صوت او نت الاحسن نغير الكارت بدل ما ناخذ خطوة تحديث

ال BIOS

٤. عدم الاحتفاظ باى تحديث لشاشة ال BIOS

بمعنى مثلا لو عملت FIRST BOOT

على CD

وعملت حفظ والجهاز بيفتح لقيتها اتغيرت

ملحوظه >> كل الاعطال السابقه ممكن تكون الحجاره عاوزه تتغير ف تقوم بتغيير

حجاره

وتتاكد ان فولت الحجاره ٣ فولت

لو استمر العطل اعمل تحديث

**ثانيا الشحن بالمبرمج**

١. فى حالة اذا كان الجهاز قاطع داتا وشغال بور فقط وجميع فولتات الدوائر

سليمه

٢. كارت التستر طالع عليه كود دائره ودائرة الكود تعمل بكفاءه

٣. كارت التستر يقوم بتغيير الاكواد بصورة متتابعه وجميع فولتات الدوائر تعمل بكفاءه

٤. تغيير الكود الظاهر على كارت التستر مع كل ريستارت او فتح وقفل البروده ملحوظة

لو حصل معنا اى عطل من دول لازم نتأكد من البطايره ونعمل CLR SIMOS ❖ ما هي البيانات المكتوبه اعلى شريحة BIOS

– اسم الشركه المنتجه SST - WIN BOND - INTEL وغيرها كثير

– جيل الشريحه ونوعها ومساحتها وكل ده بيكون مكتوب على شكل كود

مثال 39LF004P

جيل شريحة BIOS = 39

نوع الشريحه LF ولها نوعان

١. FRAME WERE.

(LF - LP - FW - V - FL)

٢. FLASH.

(SF - F - C - EE)

مساحة الشريحه بالميجا بايت 004 = 4M

( المساحات الموجوده حاليا من ٤ الى ١٢ ميجا بايت )

طيب ازاي بردو هنشحن بيوس ان كان تحديث ولا بالمبرمجہ .. ؟؟؟

تابع معنا

## درس كامل عن دائرة شحن البايوس

### الجزء التالي

#### MiniPro TL866 USB Universal EPROM FLASH




هي دائرة شحن تتميز بسرعتها العالية في قراءة و شحن جميع شرائح البايوس الخاصة باللاب توب والماذر بورد وتعمل هذه الدائرة عن طريق كابل الـ USB الذي يأتي معها وهو يمدّها بالطاقة وناقل للبيانات في نفس الوقت فلا تحتاج لمصدر طاقة خارجي كما تدعم هذه الدائرة حوالي 13.000 شريحة .

### تابع الشرح بالصورة

في البداية وقبل أي شيء عند شراء هذه الدائرة واستعمالها ولأول مره يجب عليك عمل Reflash Firmware للدائرة عن طريق البرنامج الخاص بها ويحتاج ان

يكون جهازك متصل بالانترنت وهى عمليه لا تأخذ اكثر من دقيقة وإليك شرح  
مصور لها


كما هو موضح فى الصورة نضغط على **Reflash Firmware**




بعدها تظهر لنا هذه الرسالة ثم نقوم بالضغط على **Reflash** ومن ثم نشاهد  
التحميل وهذه العملية نقوم بها مره واحده فقط عند اول استخدام للدائرة



والآن ننتقل لشرح مبسط للبرنامج الخاص بالدائرة  
اذا كان البرنامج باللغة الصينية لديك وتريد اختيار الانجليزية عليك باستخدام هذه  
القائمة أعلى البرنامج



كيفية أختيار بيانات شريحة البايوس فى البرنامج



١. نضغط على الجزء المشار له بالسهم الازرق

٢. يمكنك كتابة الرقم الموجود على الشريحة ليقوم البرنامج بالبحث عنه فى

المكان المشار له بالسهم الأحمر او يمكنك اختيار نوع الشريحة من القائمة


الصفراء

٣. بعد ذلك نقوم باختيار اسم الشركة المصنعة للشريحة من القائمة الخضراء وهو مدون عليها

٤. بعدها نقوم باختيار رقم الشريحة من القائمة الحمراء والضغط على كلمة

**Select**

٥. أو يمكنك استخدام خاصية الـ Auto Select 25




وهي خاصية تجعل الدائرة تقرأ بيانات الشريحة تلقائياً كما هو موضح في الصورة

١. نضغط على الايقونة المشار لها بالسهم الأزرق والتي تحمل رقم ٢٥

٢. نقوم باختيار نوع الشريحة التي نريد العمل عليها ان كانت 8 pins او 16 pins

٣. نقوم بالضغط على **Detect**



كما هو موضح بالصورة تمت قراءة بيانات الشريحة تلقائياً و الان نقوم بالضغط

على كلمة **Select**


لمعرفة الـ **ID** الخاص بالشريحة نضغط على الايقونة الموضحة بالصورة



لقراءة الملف الموجود على الشريحة نضغط على الايقونة الموضحة بالصورة



لتأكيد ومقارنة القراءة نضغط على الايقونة الموضحة بالصورة




ونستخدم هذه الايقونة لحفظ الملف الذي تم قرائته




لحذف البيانات الموجوده على الشريحة نستخدم هذه الايقونة

لكتابة وشحن ملف على الشريحة نستخدم هذه الايقونة  
ثم نقوم باختيار ملف البايوس من على الجهاز




وبعد ذلك نستخدم خاصية الكتابة




وهناك ثلاث مراحل للكتابة لا تأخذ اكثر من دقيقتين  
المرحلة الأولى حذف البيانات الموجوده على الشريحة  
المرحلة الثانية وهى الكتابة على الشريحة  
واخر مرحلة تأكيد الكتابة





وهذه الرسالة تخبرنا بنجاح عملية الشحن



Ayman\_med7ar